



**F**Ranciscus honestis parentibus natus, & in omni genere uirtutum educatus est. Is cum prima literarum rudimenta percepisset, sese hinc inde ad gymnasia studiorum contulit, atq; artibus & linguis fidelem operam nauauit. Ea cum didicisset, legibus incubuit, atq; felici ingenio fretus, Doctoralia ornamēta impetrauit. Erat is etiam rara prudentia & insigni facundia conspicuus. Id cum Coloniensis Elector percepisset, Franciscum magno stipendio oblato ad se uocauit, inter consiliarios recepit, atq; etiam suum Cancellarium constituit. Itaq; Franciscus munera sibi commissa magna dexteritate expediuit, atque hinc inde, principis

sui iussu, comitijs Imperij Legatus interfuit, & ob uariam eruditionem ac uitae integritatem cunctis innotuit. Cum etiam Maximilianus anno salutis humanae millesimo quingentesimo sexagesimo secundo Caesar Franckofurti declararetur, ipse cum nouo electore Friderico adfuit, & suis consilijs eius actiones plurimum adiuuit. Ita factum ut Franciscus etiamnum magna laude inter Belgas agnoscat. Anon.